

Die Menlobond streef daarna om deur middel van doelgerigte kommunikasie en deelname, die alumni en vriende van Die Hoërskool Menlopark met die skool te verbind, sodat ons die verlede **BEWAAR**, die hede **KOESTER** en die toekoms **VERSEKER**.

AANLYN DATABASIS

Bestuur die aanlyn databasis en alle sake van die Menlo-alumni en Vriende van Menlo

GEMEENSKAP

Fasiliteer die befondsing van leerders met uitdagende omstandighede

KOMMUNIKASIE

Behartig kommunikasie tussen die skool, Menlo-alumni en die Vriende van Menlo om sosiale- en netwerkinteraksie te bevorder

SKOOL

Fasiliteer donasies vir o.a. die skool se kapitaalprojekte



Lidmaatskap tot die Menlobond bied aan alle Menlo-alumni en vriende van Menlo die geleentheid om in kontak te bly met die hartklop van die skool en te help om die Menlo-manier vir generasies te bewaar.

AANLYN DATABASIS

Die een-stop-oplossing vir alle Menlobond-aangeleenthede!

’n Volledige en opgedateerde databasis (Alumnet portaal) is vir enige organisasie ’n noodsaaklike instrument vir suksesvolle en effektiewe kommunikasie. Vir die heel eerste keer in Menlo se geskiedenis, bestaan daar nou ’n elektroniese aanlyn databasis wat saamgestel en uitgebrei is uit vorige jare se inligting. Hierdie interaktiewe databasis vorm die kern wat die Menlobond in staat stel om doeltreffend met al ons alumni en lede te kommunikeer. Dit is belangrik dat hierdie databasis opgedateer bly en ons moedig alle oud-Menloparkers en vriende van Menlo aan om asseblief op die databasis te registreer en u persoonlike besonderhede op te dateer.

KOMMUNIKASIE

Binne hierdie nuwe Alumnet portaal kan u aandui watter kommunikasie u graag van die Menlobond rakende die skool en alumni-sake wil ontvang. Wanneer u ook by die Menlobond aansluit, kry u toegang tot verdere interaktiewe funksies, onder andere kommunikasie binne die stelsel met klasmaats van u jaar, Menlobond- en skoolnuusbriewe, ’n aanlynwinkel waar u Menlobond klerasie kan aankoop, ’n platform vir deelname aan skoolfondsinsamelings, asook sosiale kontak met oud-Parkies. Verder is daar ’n besigheidsnetwerk op die stelsel waar u kan aandui in watter bedryf u tans werksaam is en sodoende ondersteun ons oud-Menloparkers se ondernemings. Op die sosialemediafront, poog die Menlobond om deur sy Facebookblad meer sosiale nuus te deel wat spesifiek betrekking het op die Menlo-alumni en vriende van Menlo.

SKOOL

Met ons wêreldklasfasiliteite, het die Menlo-kampus nog altyd ’n gevoel van trots by Menloparkers gewek. Met ’n beperkte begroting word die fasiliteite uitstekend onderhou en spog die skool met infrastruktuur en tegnologie van hoogstaande gehalte. Die huidige finansiële situasie plaas die begroting vir instandhouding en infrastruktuur onder verdere druk; daarom publiseer die Menlobond gereeld die skool se kapitaalprojekbehoefes op ons webwerf en alumnetstelsel om vrywillige donasies tot hierdie projekte te fasiliteer. Besoek gerus die aanlyn stelsel om u van die skool se behoeftes te vergewis. Kontak gerus ons kantoor vir verdere inligting. ’n 18A-belastingcertifikaat vir donasies word op aanvraag uitgereik.

GEMEENSKAP

Dit is vir baie kinders ’n droom om ’n Menloparker te wees. Ongelukkig bly dit vir heelwat van hulle, veral dié met uitdagende omstandighede, ’n onbereikbare ideaal. Die Menlobond poog om, waar moontlik, hierdie droom vir talentvolle en verdienstelike leerders te bewaarheid. Ons poog om vir alle leerders, van alle sferes van ons reënboognasie, die geleentheid te bied om ’n toekoms vir hulleself en die land te verseker en om die grondslag te help vestig om te help bou aan ’n suksesvolle beroep. Die Menlobond fasiliteer donasies wat aangewend word vir die onderrig van leerders van alle rasse. Vir donasies aan spesifiek leerders van kleur word ’n spesiekiefte 18A-sertifikaat vir BEE-doeleindes uitgereik wat kan bydra tot u gemeenskapsontwikkelingspunte.

Lidmaatskap tot die Menlobond is nie outomaties nie en heeltemal vrywillig.
Sluit aan en bly deel van Menlo by www.menlobond.co.za.



Menlo vir altyd!

Vir enige verdere navrae kontak gerus vir
Gisela Rolfes by Die Hoërskool Menlopark
op 012 361 3369, 078 727 4647 of
e-pos menlobond@menlopark.co.za.